

آبونه شرايطى

داخلی، خارجی هریر ایچون
سنه لکى (۲۵۰)، آاقی آیلغی
(۱۳۰) غروشدور.

[نسخه لکى ۵ فروش،
سنه لکى ۵۲ نسخه در،]
اداره خانه

باب عالی جاده سنده دائرة مخصوصه
اخطارات

آبونه بدلی پشیندر

مسالکه موافق آثار مع المنونیه
قبول اولنور. درج ایدله بن
یازیلر اعاده اولونماز.

الکتاب

دینی، فلسفی، علمی، ادبی هفته لقی مجموعه اسلامیه در

والله یهدی من یشاء الی صراط مستقیم
باش محرر
صاحب و مدیر مسئول
اشرف ادیب

اتبعون اهدکم سبیل الرشاد

عدد: ۳۸۳

۱۵ ربیع الاول ۱۳۳۷

پنجشنبه

۱۹ کانون اول ۱۳۳۴

جلد ۱۵

سیرانی کتاب سیبویه کشر خنده دیورک: «سواء» کلمه سنی تعقیب ایدن جمله به الف استفهام داخل اولورسه قسیمنده «ام» لفظنک بولنمسی لازمدر: «سواء علی» ائت ام قعدت» کبی.

«سواء» کلمه سندن بر ایسم اوزرینه دیگر بر اسمک عطفی ایجاب ایدرسه ادوات عطفدن منحصرأ «واو» ایله عطف اولنور: «سواء علی» زید و عمرو» کبی.

«سواء» لفظدن صکره ادوات استفهامی متضمن اولمقسزین ایکی فعل بولندینی تقدیرده عطف «او» اداتیه پاییلیر. «سواء علی» قت او قعدن» کبی.

بو لفظی ایکی مصدر تعقیب ایدرسه «واو» و «او» اداتلرندن هر بریله عطف جائزدر. «سواء علی» قیامک و قعودک» «سواء علی» قیامک او قعودک» کبی.

فعلینه «سواء» کلمه سنک بلا استفهام دخولنک جائز اولمسی عبارتدک معنای شرطیتی تضمن ایتمسی اعتباریله در. بواعبار ایله تقدیرمثال مان قت او قعدت فهما علی علی حد سواء» مرکزنده اولور.

مترجمی: محدشوک عبدالعزیز چاوش

مادامکه علم الهی، اولمش اوله حق هر شئی محیط بر صورتده واسع و بی پایاندر، شو حالده اونک اشیا بی ساحه وجودده طرز جریانه موافق صورتده زیاده، نقصان جهتی اولمقسزین، تغییر و تبدیله اوغرامقسزین بیلیمسی بر امر ضروریدر. عکس حال علم الهینک جهله انقلابی استلزام ایدر.

مع مافیه بوندن مقصد جناب حق قولارینی ارتکاب سیئانه مضطر بر حالده بولندیرده صکره بوافعال اضطراریه لرندن دولایی حقلمنده ترتیب جزا ایدر دیمک دکلدر. بویله بر حال ظلمه مؤدی اولوب جناب حق ایسه ظلم عباددن قطعاً منزهدر.

شو جهتده شایان اخطاردرکه بو طرز بیانه نظراً علم، کائناتک وجود خارجیده شکل تحقیقی تثبیت ایدن علم دکلدر، بو نوع علم ایله کائنات آره سنده کی اتصال انکشاف و احاطه ماهیتی تجاوز ایتیان بر اتصالدر.

نم

بو آیتده لفظه عائد بر بحث واردرکه تماماً للفائدة شسوراده ذکرینی مناسب کوردک.

مشروطیتک تأثیرات ونتایجی

مؤلفی: برنس سعید سلیم یاشا

و تحرییه لزوم مبرم حس ایدلدی. یاپیلان خطیئاتک ماهیتی و وسعتی نهایت الامر آکلاشلدی. بو فئالک باشلیجه مسبی مجلس مبعوثان اولدینی آکلاشلدی. و کوجالکله طاغیدلدی. درحال ایکنجی مجلس مبعوثان انتخاباتنه باشلانلدی و نتیجه انتخاباتده اولکنه فائق بر مجلس ملی تشکیل ایشدی. مجلس جدیدک اولکی آجی تجربه لردن استفاده ایدمجهکی و قانون اساسی بی دها جدی و محکم اساسله بنا ایلیمجهکی و اولکی مجلسک ادراکنه موفق اولمیدینی اداره مشروطیته بر حیات و فعالیت جدیده ویرمهکه موفق اولمجهکی امید اولمشیدی. فقط بو بیچاره مملکتی تعقیبدن کیری طور میان مصیبت، مملکتک بو دفعهده یک بهالی به مال اولان بر تجربه دن استفاده ایتسنه واک مشروع امید لرینک حصولپذیر اولدینی کورمسنه مساعده ایتدی. ایکنجی مجلس مبعوثان اجتماع ایدرایتمز بر ضربه نا کهای ایله طاغیدلدی و بوبدبخت مملکتک آجی فلاکتاره دوشدی. حال بوکه قانون اساسینک اعلانی نه قدر امیدلر و خیالار او یاندریمشیدی. اعلانیله هر کس غایه خیالیسنک حصولپذیر اولدینی ظننده بولمشیدی.

حیاتنک اوتوز سنه سنی اک زیاده ماحی اخلاق بر اداره مستبده آلتنده کچیرمش اولان بزرک بوسایه ده حراسانلر، فضیلتپرور، عقیف و مستقیم افراد زمره سنه داخل اولمجهمن ظننده بولندق. قانون

قانون اساسینک اداره حمیدیه نهایت ویرمجهکی حقنده کی امیدلر بوشه جیقمیدی. فی الحقیقه قانون اساسینک اعلانیله برابرا دره مذکورده ده رهبن اندراس اولدی. فقط مملکتک حصول سعادت حالی ایچون پرورده ایدیلان امیدلر حاصل اولدی. مجلس مبعوثان عنانی خاقان مخلوعک کندیسندمه تمرکز ایتدیرمش اولدینی بتون نفوذ و اقتداره توارث ایتدیکندن خاقان جدید اجدادینک تحت سلطنته جلوس ایتدیکی زمان مقام سلطنتی اک اساسی و اک زیاده غیر قابل انکار حقوق و امتیازاتندن تجربید ایدلمش بولدی.

قوة اجرائیه؛ مستبد بر پادشاهک بیوندور و غندن؛ نفوذ و اعتباردن معرا، تجربه دن محروم و کندیسنه صورت خودسرانه ده بخش و اضافه اولنان حقوق و امتیازات مفرطه بی سوء استعماله محکوم بر مجلسک بیوندروغی آلتنه کچدی. شو وصایت مستبده و تشتت کارانه آلتنده قوه اجرائیه اداره حمیدیه زماننده کندن دها دون بر درکویه تنزل ایدرک هر طرفده انتظام سزلق و عصیان حصولنه بادی اولدی. و مملکتی مادی و معنوی فترت کایه طوغرو سور و کله دی. دها مشروطیتک اوچنجی سنه سنده فئالق جالب اندیشه اولاجق بر درجهیه واصل اولدیفندن بو فئالک نه کبی اسبابدن تولد ایتدیکنی کمال دقتله تدقیق

[*] بومقاله ۳۲۹ سنه سنده قلمه آلمشدر

روحیه سی ، عادات و تعاملاتی ، سویه عرفان و مدنیتی یک متخالف بولنان و بناء علیه احتیاجاتی یلک کثیر و متنوع بر هیئت اجتماعیة نک اصول عدلیه سنی قبول ایتدک .

فرانسه اصول عدلیه سی حالت و مکملیتی ایله بزى جذب ایتدی . بواصولک بزجه قبولی ایچون کافی کورلدى . حالوکه هیچ کیسه بواصولک فرانسه یه هیچ برصورتله بکزمه میان بزم کی برملکت ایچون موافق اولوب اولیه جغنی دوشونمى بناء علیه بوصولته اجر ایلدیکمز اصلاحات عدلیه نک ده برچوق سنه لر چالیشلقدن صکره معلوم اولان لاشی منزله سنده کی نتایجک استحصا ل ایدیه بیلمش اولمى اصلا موجب تعجب اولماز .

معارف عمومیه مزى اصلاح ایچون دخی ینه تمامیه بویولده حرکت ایتدک . بالطبع الله ایدی لان نتایج ده دها مضر اولدی . غایت قیمتمدار بروقت ورده برقاچ نسللر ضایع ایدلدکن صکره بونجه فداکارلقلر اختیاریه وجوده کلان شیئی بوزمق مجبوریتده بولنیورز .

بوقدر نتایج معکوسه دن صکره ینه غیری اوراسیدرکه ، تجارب وعقل سلیمه منافی اولان بواصول ینه اعتباردن دوشمه مش کورونیور . بوندن الله سنه اول اولدینی کی بو کونکی کون دخی موفقیتسز لکلمزى تطبیق وادخال ایتدیکمز اصلاحات جمیله نک لایقوله تطبیقنه مقتدر رجالمزک فقداننه عطف ایدیورز . بر مملکتک یارم عصرلق برزمانده احوال عمومیه سنی تنظیم و اصلاحه مقتدر آدملردن محروم قالمش اولمى نظریه سی بزجه مجروح و مردود کورونیور . چونکه سویه معنویه و علمیه سی نه درجه ده بولنورسه بولنسون بر هیئت اجتماعیة نک کنديسنى حسن اداره یه ودها امین وسالم طریقله سوق و ایصاله مقتدر اوله حق عناصردن محرومیتی عقل قبول ایتز . بو عناصرک بزده دائماً مفقود بولمش اولدینی ادعا ایلک ، موفقیتسز لکلمزک اسبابی ایجه آکلاماش اولدیغمز دلیلدز . بزم شمدی یه قدر هیچ بر اصلاحات اجراسنه موفق اوله میشمز دائماً بزجه یاپیلمى مضر اولان ویاخود یاپیلمسنه امکان اولیان شیرى یایمق ایسته مش اولمق لغمزدن نشأت ایتشدز . ایسته اصل سبب یکانه بودر . بزم اک مکمل و اک مقتدر عناصرمزدن استفاده ایدمه میشمز اصلاحات نامی آلتده لاینقطع مملکتده ادخال ایدی لان بدعات و تجددات ابلهانه دن استفاده نک امکانی اولدینی حالده اک ای عنصر مزى بونلری تطبیقه مجبور ایدرک سى وغیرتلیرنک احما ایدلسنددر .

چونکه مجددلرمن انسانلرلا قوانین و نظامات ایچون دکل ، بلکه قوانین و نظاماتک انسانلر ایچون وجوده کتیرلش اولدینی هیچ بر زمان آکلایه مامشاردر .

بر فرانسه ضروریکمز که اگر فرانسه رجال حکومتی قومشولری بولنان انکله لرک قوانین و نظاماتی تطبیقه قالدیشه حق اولورلر ایسه فرانسه نک حالی نه اولور ؟ بوکا جواباً : فرانسه نک موجب محوی اولور ،

اساسینک احوال اجتماعیة سیاسیه و اقتصادیه مزى اقشاهه مسباحه تغییر ایتک قدرت اعجاز ناسنی حاز اوله جغنی ، ذیلانله اولان اختلافات داخلیه مزى بزه اونوتدیره جغنی و جمله مزى یالکمز وطن عثمانیک شان وعظمتی تخیل ایدر بیوک ونجیب برعائله عثمانیه حالده مزج وتوحید ایلجه جگهی امید ایلشدک .

حیفا که دها ایلک سنه دن اعتباراً بتون بو طاقلی امیدلر و کوزل تخیللر اوچوب کیتدی . قانون اساسیمزک بزه بخش و تأمین ایتدیکی حقوق و سربستی ، اداره حمیدیه نک درجه نه ایده توسیع ایتش اولدینی بتون سوء اعتیادآمیزی بی محابا استعمال ایتکلکمزدن بشقه بر ثمره ویرمدی . اجتماعی نقطه نظر دن بونلرک تأثیری آنجق اصول و عادات و صنوف و طبقات اجتماعیة نک هپ بردن رفی یعنی هرج و مرج تام حصولی صورتنده تخیل ایتدی . اک مترقی و مسعود ملتله درجه سننده احراز حقوق ایتک داعیه طفلانه سی بزى مدعیاتمزده ایلری کتوردکجه کتوردی . وحرص اشتها مزى آرتدیرمش اولدیغندن احوال اقتصادیه مزى بزه هر زماندن زیاده تحمل فرسا کوروندی .

هر کس دها زیاده نائل حضور و سلامت اوله بیله جکی امیدنده بولنشیکن بالعکس عمومک فقدانی حضوری تزی ایتش و هر کس کنديسنى اسکیندن زیاده فالغه معروض قالمش بولدی . چونکه هر کس جرأت و تجاوزی آرتدیرمش اولدی ، هر کس یکدیگری بی محابا اضراره قیام ایلدی .

ملیت مجادلانی ، قومیت استرقاباتی کیتدکجه آرتهرق عثمانیلر آره سننده مشترک بر غایه خیالینک وجودی احما ایلدی . دونکی جاسوس و مرتشیلر باشمز حریتپرور ، مجدد و وطنپرور کسیدیلر ، ایشمز و کوزه عادى بر آووقات حقوق عوامک مدافع شدیدی اولدی ، عاجز مرتکب مأمورده حرارتلی بولتیقه جی کسیدلی . کویا که بتون مملکت اوزرندن بر جنت روزکاری وزان ایدیوردی . ایشته بودفه دخی غریبلر طرزنده نائل تجدد اولمق خصوصنده کی تجربه مزى موجب تالم اوله حق برصورتده هبا اولدی . شمدی یه قدر وقوع بولان تجاربیدن دها زیاده حاز اهمیت اولان شو صوک تشبث دیگر تجاربیدن زیاده بادی مصائب اولدی .


بونجه مساعیمزک بویله علی الدوام دوچار عقامت اولمى مملکتی طریق تجدد و اصلاحاته ادخال ایچون یارم عصرلق بر زماندنبرو تطبیق واتخاذ ایتش اولدیغمز اصولک محض خطا اولدیغنده شبهه بر اقیور .

شو خطای مشوم مملکتک حصول سعادت حالی ایچون ساده جه اوروپا قوانینی متلرینک ترجمه ایدلمى و بونلرک بزده قبول وتطبیق بهانه سیله بعضاً تحریفی کافی اوله جغنی حقنده بزده موجود اولان قناعتمزدر . مثلاً اصول عدلیه مزى اصلاح ایچون فرانسه نک یعنی بزم هیئت اجتماعیة مزه اصلا مقیس اولیان اصل و منشائی ایله حالت

دیہ جکنده شبهه یوق . چونکہ فرانسه نك مجرای طبیعی انکشافی بوزمش اولورلر . و بناء علیه انی بر موت محفقه محکوم ایلش اولدقلری بلا تردد سویلرلر .

بو مملکتی وقانون اساسیسی بیلنلرک بو قانون اساسینک بیوک برخط اولدیغی ومملکتک احوال اجتماعی و سیاسیسی، حالت روحیه سی معتقدات و تعاملاتی ایله اصلا قابل تألیف اولدیغی، حتی موجودیت ملیه عثمانیه ایچون حقیقی بر تهلکه مقامنه قائم اولدیغی تسلیم ایتمه مک ممکن دکلدیر . ذاتاً بشقه درلوده اوله مازدی . چونکہ قانون اساسینک واضع و مرتبیری مملکتی اصلا نظر اعتباره آلیوب حافظه لرندہ نصلسه قالدیلان بعض پریشان معلومات و نظریاتک مملکتک سعادت حالی کافل اوله جنی و اومه سنده بولندیلر . قیمت حقیقیه دن و حقایق دن معراء، دکر بر اثر وجوده کتیرمه محکوم ایدیلر . چونکہ مملکتلرینه قوانین اساسیه غریبه نك ناقص بر تقلیدی ادخالدن بشقه برشی یایمق بالطبع آنلر ایچون قابل دکلدی .

ایشته کورولیورکه بتون فنالقارک اصل منشائی بردر، یعنی قوانین و مؤسسات اجنبیه نك قبول و ادخالله مظهر تجدد و ترقی اولمقلغمز لزومنه بزجه قناعت حاصل ایلک خطاسیدر . بتون مصائبک منبئی اولان شو مضر اعتقاد عجبا بزه نره دن کلدی ؟ فکر مزجه بتون بو فنالقاری تولید ایدن، مدنیت غریبه یی آکلامیارق تطبیق ایدیشمزدر . هیأت اجتماعیه نك قوانین تکاملاتیه بحق واقف اولدیغمزدندرکه ملل و اقوامک قوانین و نظاماتیه قوانین اساسیه سی اقتباس ایده جک اولورسوق امور و اداره ده آنلر درجه سنده نائل تکملات اوله جغمز اعتقادنده بولنیورز . بو اعتقاد مشوم یوزندن حصوله کن فنالقارک ذکر و تعدادی اوزون سورر . یالکز شوراسنی سویلک کافیدرکه بو اعتقاد بزم کندی کندمزی بر اصلاحه قابلیتمز اولدینی ظنی تولید ایتک صورتیه نفسمزه اولان اعتمادمزی سلب ایتمکده و بو صورتله بشقه لرینکده بزه قارشى اعتماد و حرمتی سالب اولمقده در . باری بو آجی والیم نجر به لر استقبال ایچون بزه درس عبرت اولسه و بسبتون ایش ایشدن کچمده دن اول فنالقانی امکان مساعد اولدینی مرتبه ده تعمیر خصوصنده بزه معین بولنسه .



حقوق عائله و اصول محاکمات شرعیه

قراردادی مقننه

۱

مناکحاتک برنجی بابنک فصل ثانیسنه داخل اولان ۴ نجی ماده سنده :

«اهلیت نکاحی سائر اولق ایچون شرطک اون سکر و خطوبه نك اونیدی باشی اتمام ایتمش اولملری شرطدر .»

دینلیمش . لکن لفظی معناسنه موافق دکل . کتاب قولنده اویمیور . چونکه شم یعتده خاصه اهلیت نکاح ایچون سن شرطی یوقدر . مکرکه بو تعبیرله فعل نکاحه قابلیت و زفاف و تقریه اهلیت معناسی قصد اولونسون . لکن اونک شرطی ده اون ایکی و طقوز یا شلری بیتمر مکدر . کرچه بو معنا مراد اولونمش دکلدیر . لفظیدن ظاهر اولمیان معناسی آنی ولی ایدن ماده لر ایله لایحه ده کی ایماندن مستبان اولیور . کندیسنده بلوغ آناری کورمه یین و بلوغی انکار ایدن شخصک بالغ اولدیغنه حکم اولونورق عقد نکاحه صالح اولمش معناسنه وضع و استعمال اولوندینی آکلاشیایور . لکن ینه ماده نك وضعی خطادن خالی دکل . واقعا لایحه ده امام اعظم قولنه استناد ایتدیریلدیکی وفقه ایدن بهضلرینک یکریمی ایکی و بهضلرینک یکریمی بش یاشنده بولمقله مشروطدر، دیمش اولدقلری ذکر اولنیور . بوراسی ده طوغرو . بین الفقها بلوغ حکمینک حدنده اختلاف اولوندینی کی اصلنده ده امام مالکک خلافی واردر . بلوغی منکر اولان کیمسه نك قاچ یاشنده اولور ایسه اولسون بلوغنه حکم اولونماز دیمش اولدینی . کذلک معتبرانده منقولدر . قومیسسیون بوکا واقف اولمامش . لکن ایش اوراده دکل . قرار نامه نك بو ماده سی ذکور و اناندن اون بش یاشی اکیال ایدنلرک هر حالده بالغ و اجرا ایلدکلری عقود و اقرارک معتبر اولدیغنه حکم اولونق لازم کله جکی حقیقده کی امام اعظمک ایکنجی قوی و جمهورائمه نك مذهباری اوزره یازیلش اولان مجله نك ۹۸۶ و ۹۸۷ نجی ماده لرینه مخالفدر . مقصد بونی ترک ایلکده دکل . عقود سائر حقیقه کاکان مرعی اولسون . یالکز نکاح آندن استننا اولونسون، دینیور . اهل اسلامک ایرکن اولملری کثرت تناسلرینه باعث اولمقده بولوندینی قریباً ذکر ایدیله جک اولان قوانن سائر سی کی بیک اوچیوز بو قدر سنه ک تجربه ایله ده معلوم و آشکار ایکن هر ناصلسه قومیسسیون نظرندہ مصائبدن عد اولونمش بولونمش شو استثنایه سبب مستقل اولدینی ده مع التأسف لایحه ده تصریح اولونیور . حال بوکه بویله قولین مختلفین ایله معاً امر اولونورق برینک عقودک بر نوعنه، دیکرینک سائر لرینه تخصیص ایدیلشی کیفی اولور . اقوال فقها و ادله شرعیه آکا مساعد دکلدیر . شریعت غراده بر شخصک بلوغنه حکم ایله مک باشقه، اهل نکاح اولدیغنه حکم ایلک باشقه دکلدیر بر برندن آیرمق نصاً و اجماعاً باطلدر .

لایحه ده : کندیسندن رشد آناری ظاهر اولمده دن بالغ اولان ایثامه ماللرینک همان اعطای اولونماسی مجمع علیه اولدینی ذکر اولونورق شرع شریف حقوق و وظائف تحمیلندہ تأنی ایله حرکت ایدیور ، نکاح ایسه مالک قابل قیاس اولیوب هر اون بش یاشی اکیال ایدنه حق ازدواج بخش ایتک نکاحی لایق اولدینی اهمیتله نظر اعتباره آلامقدر . . . دینلیمش . بو ، دها یا کدیش . همده سحر اولان انسانلره حق ازدواجی الله تعالی بخش ایلشدیر . باشقه سی بخش ایدجک دکل . انسانلرک بویله برحق بخش ایتملری آنحق کوللری ایچون اوله بیلیر . اوت، حقوق